



31. oktober 2018

UKA2018/156

2020-imit aallartittumik 2020-imut aningaasanut inatsit aqutigalugu ukiuni sisamani misiligutaasumik ukiumut 4 mio. kr-it angullugit salliutitsilluni, ulloq 1. januar 2020 aallarnerfigalugu meeqqanut inuussuttunullu sumiginnagaasunut ornigullutik pinaveersaartitsinermik suliaqartus-sanik "Unnuarissatut" taagorneqartunik isumassuisartunik illoqarfinni Nuummi, Tasiilami, Sisimiuni, Aasianni Qaqortumilu sisamangornermit nal. unnukkut arfineq pingasunit sapaammi ullaak-kut arfineq pingasut tungaanut aqqusinerni angalaartartussanik pilersitsinissaq pillugu Naalak-kersuisut peqquneqarnissaannut Inatsisartuni aalajangiiffigisassatut siunnersuut.

(Aleqa Hammond, Nunatta Qitornai)

Peter Olsen IA-meersup naalakkersuisut misiliutigalugu aningaasaleeqquai "unnuarissanut" aningaasaliisoqassasoq meeqqat unnuakut tarfiinnartartut orniguffigalugit pinaveersaartitsinermik suliaqarnermi atugassanik.

Siunnersuuteqartut isumaqatiginarput ugguuna, meeqqat unnuarsuarmut isumagineqaratik aneer-tut pinngitsoortinniassallugit sulisariaqarpugut aammalu iliuuseqartariaqarpugut meeqqat toqqissi-simasumik isumagineqarnissaat pillugu.

Inuiaqatigiit peqqissut aammalu ilaqutariit peqqissut tassaapput qitornaminnut tunniusimallutik pe-rorsaalluarlutillu siunissaannut nakimanatik inooqataalersinnissaannut aqutissiuussisut. Qitornat namminneq aaliangersinnaasunngortillugit, killiisinnaasunngortillugit aammalu inersi-masunngorunik imminut isumagisinnaasunngortissallugit perorsarneqartariaqarpugut. Inuiaqatigiin-nut tunniussassaqaqluarlutik namminerisamillu ilaqutaqalernissamut tunniussassaqaqluartunngor-tillugit perorsarneqarnissaat qulakkeerinneqataaffissaqaraarput nunaqqatit.

Inuiaqatigiinni sumiginnaasarneq akiorniarlugu millionilikkaanik aningaasaleeqattaarnikkut aaqqiis-sutissaq iluatsissimangitsoq iluatseriataarneqarsinnaangitsoq isumaqarpugut.

Ilaqutariit sanngiitsut sumiginnaanissaminnullu uloriarnartorsiorfimmiittut ikiorsernissaannut suli-neq nukillu saatinnerusariaqarivut isumaqarpugut. Meeraq tunuliaqutsissuarput angerlarsimaffim-mini tujorminerup kingunerisaanik tariffat, angerlarsimaffiani tujorminartup qaangerniarnerani pisortatut tunuliaqutsiinertigut.

Maannakkut piumassutsiminnik sullittorpassuaqarpoq. Peqatigiiffilerisut, kattuffilerisut, timer-soqatigiiffilerisut, erinarsoqatigiinniittut, nipilersortartorpassuit, røde korsikkunniittut, pulaartartut allarpassuillu ullumikkut inuiaqatigiit annertuumik nukittoqutigaavut tamarmik toqqaannartumik

Nunatta Qitornai

Inatsisartuni



toqqaannangikkaluartumilluunniit nunaqqatigiittut nukittunerulernissatsinnut annertuumik sunniuteqaqataapput. Piumassutsimik sulineq nukittorsarneqarsinnaasoraarput assigiinngitsutigut suliffeqarfiit peqataanerisigut CSR aqqutigalugu tapersersuisunit allarpassuartigullu tunuliaqutaa-jumallutik tapertaasut. Naalackersuinikkut piumassutsimik suliumassuseq aningaasaliinikkut isumaqarpunga anersaaq tunniusimassuseq nikisinneqassassoq uggornartuusullu tungaanut saassinnaasoq.

Aningaasanut inatsisissaq aqqutigalugu 4 million koruunit ujartorneqartut nassaarinqarsinnaapput aningaasanut inatsisip isumaqatigiinninniutigineqarneratigut.

Naalackersuisut sumiginnaasarneq akiorniarlugu suliniarnerat taperserparput isumaqarpugullu siuliani siunnersuutigineqartoq Sara Olsvigimeersoq ataatsimiititaliami suliarineqartussaqaq ataatsimoorfigineqartoq innersuullugu maannakkut Peter Olsenip siunnersuutaa taama isikkoqartillugu itigartipparput.